

GOV-HER-NANCE

“Gov-her-nance” बुलेटिन, धनगढी उप-महानगरपालिकाक कैंयो समुदायमसे सिमवाटल हल्ला, नागरिक हुकनक जिज्ञासा ओ प्रश्न सिमोदक तथ्य पता लगाक, सक्कु नागरिक हुकन सूचित कर्ना काम कर्ता । हम्न यी बुलेटिनके माध्यमसे महिला (जन्निनक) ओ लैङ्गिक अल्पसंख्यकक मुदाहन बाहेर लावक उपमहानगरवासी ओ उपमहानगरपालिकाबीचम रहल सूचनक दूरी कम कराक लैङ्गिकमैत्री उपमहानगरके अवधारणह पूरा कर्ना लक्ष्य लेल बाटी ।



घरक सक्कु लवन्डन कमाए भारत गइलम दिनभर काम कैक खैना सामाजामा कर्ति रहल शिवनगरके दलित समुदायके जन्निन् ।

तस्वीर : रेवती एस.के

कानूनत : लर्का ऋराए (सुरक्षित गर्भपतन) सेवना अवस्था

लर्का ऋरैना (गर्भपतन) कामह पहिल कसुर मानजाए । लेकिन, आजकाल इहिह कुछ सर्त ढैक कानुनी मान्यता डेगिल बा । इ असिन अवस्थाम स्वास्थ्यकर्मीन्के सहयोगम लर्का ऋराए सेवजाइठ ।

(क) पैनाहा/अंसाहा जन्निन्के मन्जुरीम १२ हप्तासमके

(ख) इजाजत पाइल चिकित्सकन्के कहल अनुसार लर्का निऋरैलसे पैनाहा जन्निन्के ज्यान खतरा हुइ सेवना, शारीरिक ओ मानसिक स्वास्थ्य खराब हुइ सेवना ओ अपांगा लर्का जर्मना हुइलक ओसे, जन्निन्के मन्जुरीम

(ग) जबरजस्ती करणी या सग्ग नाटपाँटनके करणीसे हुइलक १८ महिनासमके गर्भ, पैनाहा जन्निन्के मनजुरीम

(घ) रोगसे लरसेवना क्षमता बहैना जिवाणु या एच.आई.भी. या ओस्टह खालके और मजा निहुइना रोग पल्ल रहल पैनाहा जन्निन्के मन्जुरीम

उप्पर कहल अवस्थाबाहेक प्याटिम रहल भुणके लिंग पहिचान कर सेवना कौनो काम कर या कराए ओ ओसिक लिंग पहिचान हुइलम लर्का ऋराए या ऋरुइया इनुजहन सजाय मिल्ता ।



स्रोत : <https://mohp.gov.np/downloads/National%20Safe%20Abortion%20Policy.pdf>

हल्ला ओ तथ्य

टोल विकास संस्थाम
खासकैक ठारु मनै
(पुरुष) रठ । जन्निन्
(महिला) सहभागी
करैना कौनो प्रावधान
निहो ?



टोल विकास संस्था, टोलम बैठुइयनके रग्यालसे (बैठकबाट) गठन कैजाइठ । संस्था गठन करबेर टोल ओ बस्तीभितरके एक घरधुरीसे ढोरम एक ज हुइना कैक भौगोलिक ओ सामाजिक समावेशीकरणके आधारम सभा या वडा कार्यालयके कहल चार किल्लाभितरके नागरिकहुँकर सर्वसम्मत करपरठ । असिक बनल कार्य समितिक् कार्यकाल २ वर्ष रहठ । कार्य समितिम कम्तिम फे ५० प्रतिशत जन्नि मनै सदस्य हुइहि पर्ठ । अभिन अध्यक्ष, सचिव या कोषाध्यक्षमसे कौनो एक्ठो पदम अनिवार्य रूपम महिला हुइक् पर्ठ ।

श्रोत : <https://mofaga.gov.np/model-law/2223>


अपांग परिचय पत्र लिहक लाग, अपांग हुइल मनै या वाकर घरक मनै या अभिभावक आपन स्थायी ठेगाना रहल स्थानीय तहम निवेदन डिह परठ । स्थायी ठेगाना रहल स्थानीय तहमा निबैठना ओ शारीरिक या मानसिक अवस्थाके कारण आपन स्थायी ठेगानाम जाक परिचयपत्र लिह निसेवना मनै अपन बैठ्ठि आइल स्थानीय तहम निवेदन डिह सेक्ठ । याकर लाग निवेदन डिहबेर आपन स्थायी ठेगानासे परिचयपत्र लिह निसेवना कारण भरिक मजासे खुलाइपर्ठ । लेकिन, निवेदन डिहुइया आपन स्थायी ठेगाना रहल परिचयपत्र लिहल भरिक निहुइक पर्ठ ।

श्रोत: [अपाँता भएका व्यक्तिको अधिकार सम्बन्धि नियमावली, २०७७](#)

ठवा परिवारम एकजन
अपांग बाट । हम्न आब
आपन जाटिक ठेगानाम
निबैठ्ठक और ठाउँम बैठ्ठि
। का अब हम्न जौन ठाउँम
बैठलबाटि उ ठाउँसे
अपांगताके परिचयपत्र
लिह मिलि ?



बोक्सीनेके आरोप
लगुइयन् सजाय ओ
पीडितहन क्षतिपूर्तिके
व्यवस्था निहो ?



बोक्सीनेके आरोप लगुइया या बोक्सीनेके आरोपम दुःख डिहुइयन सजायके नाउँम जरिवाना, कैद ओ हुनु व्यवस्था बा । दुःख डिहुइयन् (पीडक) ढोरम १५ वर्षसम कैद सजाय हुइठ । ओस्टहक, बोक्सीनेके आरोपम सम्पति टुटैनाफेटैना या नोक्सान कर्लसे ओह बराबरके खर्च दुःख डिहुइयन् टिरपर्ठिन् । दुःख पउइया (पीडित)शारीरिक या मानसिक रूपम अशक्त रहल ओर्से अस्पताल लैजाक बिर्वा कराइ पर्लसे, बिर्वा करैना ओ कुरुवन्के खर्च फे दुःख डिहुइयन टिरपर्ठिन् । दुःख डिहुइयनके आर्थिक अवस्था कमजोर रहलम खर्चके व्यवस्था नेपाल सरकार टिर्ना व्यवस्था बा ।

श्रोत : <http://mowcsc.gov.np/acts-regulations?page=2>

जन्मि मने (महिला) ओ लर्कोर्हेक् डाइ (दूधे बालककी आमा) हुइलक् ओर्से ढन्न जागिर निभेटाइतनहुँ ।



जागिर सुरु करबेर म्वा छाइ २ महिना ९ दिनक् रलहि । मै जन्मि मने हुइलक् ओ म्वा छुटिमुटि छाइ हुइलक ओर्से अन्तर्वार्ताके क्रमम मै जागिर भेटैना मुस्किल रह । लेकिन, जसिकटसिक जागिर भेटैनु । पाछ बुभबेर म्वा ठाउँम ठारु मने प्रतिस्पर्धा करुइया किउ निरहल ओर्से पो जागिर डेहल ठहर्ल ।

उब्याला महि लागल कि डिग्री ओ सर्टिफिकेट होक केल निहुइना ठहरल । अन्तर्वार्ता लेना मनैयक्, “दुहार छुटिमुटि लर्का बा ना ?” कना प्रश्न जो महि बरा अनौठे लागर रह । बल्लबल्ल भेटाइल जागिर लर्कक् पठ ट पक्क फे जिम्मेवारीसे पाछ निहट्ने रनहुँ । काजेकि मै आपन लर्कक् रेखदेख कर्ना व्यवस्था मिलैल रनहुँ ।

आब महि जागिर ओ घरक जिम्मेवारी इनु सडसडगा लैजाइक पर्ना हुइल । बिहानक सुट्क उठलसे लेक सन्भया निसुटसम सड ओह काम : “क्वारम

लर्का लेक लैहेर-अफिस-लर्का लेह फे लैहेर- ओ घर ।” म्वा दिन अस्टक चलल रह । मिच्छाक अइलो कैक पुछुइया मनै निरहलम बरा दुःख लज्ना ठहरल । उल्ट, “लैहेरसे ट अइलो काहुँ ?” कहल सुन्क भन् रुइनास लाग । परिस्थतिके कारणसे उब्याला ठर्वसे फे स्वाँचल जसिन सहयोग निभेटैनु । छाइ बेराम परल ब्यालाफे अफिससे बिदा डेना मन निकरँट । सड्गा काम करुइया सब ठारु मनै (पुरुष) रलह । मै अक्कल्हे जन्मि मने रनहुँ ।

हमार समाजम अभिनफे पितृसत्तात्मक सोच पलि बा । मै आत्मनिर्भर हुइ खोजुँ । म्वाठे फे २/४ रुप्या ह्वाए कैक सोचुँ । आपन कमाइल रुप्यले आपन घर, परिवार चलस कैक सोचुँ । म्वा कमाइलेक ठर्वक ओ घरक आर्थिक समस्या कम ह्वाए कै सोचुँ । ओहओर्से मै क्वारक लर्का छोर्क हुइलसेफे जागिर कर्ना निर्णय कर्नु । आजकाल स्वाचबेर मै ठिक निर्णय कर्नु कना जसिन् लागठ ।

आजकाल जीवन सहज हुइल बा । और लर्का फे होरहल । बर्कि छाइकब्याला निपाइल सहयोग छुट्कि लर्का हुइलम भेटैनु । ठर्व ओ सक्कु घरक मनै सहयोग कर्ठ । छाइ ह लैहेर छोरक अफिस जैना मनै मै आजकाल छावह घरहम छोर्क अफिस जैतुँ । म्वा कमाइलेक घरक् मनैन् बहुट सहयोग हुइल बाटिन् ।

“ मिच्छाक अइलो कैक पुछुइया मनै निरहलम बरा दुःख लज्ना ठहरल । उल्ट, “लैहेरसे ट अइलो काहुँ ?” कहल सुन्क भन् रुइनास लाग । ममता बिष्ट, अध्यापक, भागेश्वर एकेडेमी फर हेल्थ साइन्स



समुदायके प्रतिनिधी आवाज



कल्पना देवी साकी

स्थानीय,

धनगढी उपमहानगरपालिका, वडा नं. ६

मै छाई हुलक् ओर्से महि डाइबाबा मजासे निपह्रैल । म्वा डाडुमैया हुँक्र पह्र पैल । लेकिन मै कक्षा ४ सम कोल पह्र पैनु । १२ वर्षक हुइनु ट म्वा भ्वाज हुइल । टबसे म्वा दुःखक दिन सुरु हुइल । खैना लगेना समस्या ट पलि रह, ओम्नफे ससुर्वाससुइयनके कचकच थपगिल । ठर्वा फे म्वा पर्जा लागक छार्क उल्ट दुःख डेहँट । पाछ मै भारत कमाए जाइलानु । उहाँ एक्ठो होटलिम् काम कर्नु । काम कर सुरु करलम फे ठर्वा सटाए निछोर्ल । कुछ समय रहिक म्वा छाई जर्मल । डुसर लर्का फे छाई जर्मल । टब मै घरसे बाहेर निकर्पना बाध्यता हुइल । सड्ड दुःख सह निसेक्ख मै लैहेर भाक चलौनु । लैहेर जाक फे अनेक बाट सुन परल । “भ्वाज कैक गैल छाई लैहेर आक बैठल बा” कैक कना ठहर्ल । छाई मनैन् के ट ना घरक भर ना ट लैहेरके ।



बिमला देवी साकी

श्रमिक महिला,

धनगढी उपमहानगरपालिका, वडा नं. ६

मै जर्मनु ट, छाई जर्माइल कैक म्वा बाबा डाइहन पाछसम खोब दुःख डेहल । म्वा पहर्ना इच्छा रटिरटि फे मै पह्र निपैनु । “इ पहर्क का करि ? छावा रहट पह्रैना रह” कैक कहँट । स्कुल जाइक छोर्क छेगी चर्हाइ जाइपर । मै नुकनुकक स्कुल जाउँ । करले हुइलसेफे महि कक्षा ५ सम पह्रैल । १६ वर्षक हुइनु ट म्वा भ्वाज हुइल । भ्वाज पाछ फे ओह अवस्था आइल । छाई जर्माइल कैक महि फे दुःख डेह लाल । बल्लबल्ल एक्ठो छावा जर्मल, उ फे अपांग । टब फे डोस्र और छावा जर्मल टब बल्ल म्वा ठर्वा महि मजा मान सुरु कर्ल । लेकिन, डिउर लर्का जर्मलक ओर्से आजकाल पलना बरा कर्रा

बा । बिहान बिहान मजदुरी कै ठोरचे आमदानीम घर चलाइपर्ठ । छाईछावन मजा शिक्षा डिह निसेक्जाइठो । म्वा छाइन्फे म्वा जस्ट दुःख सहपरहिन्कि कैक बरा पिर लागठ ।





DISCLAIMER

यी अंकमा सिमेट्रिअल जानकारी समुदायम काम कर्ति रहल स्वयंसेवक, अनलाइन माध्यमसे लेहल आधिकारिक स्रोत, सरकारी कार्यालय ओ अकाउन्टबिलिटी ल्याब नेपालके फेलोसिमअन्तर्गत काम कर्ति रहल महिला समूहके कैयौठो मनैनसे प्रत्यक्ष ओ अप्रत्यक्ष रूपमा बढ्वाक तयार कैगिल हो । विषयके महत्व, सान्दर्भिकता ओ धनगढी उपमहानगरपालिकाम पारसेवना सकारात्मक प्रभावह ध्यान डेक यी विषयवस्तु छान्गिल बा । यी अंकमा सिमेट्रिअल जानकारी बुलेटिन प्रकाशित हुइल मितिसम् सत्य बा ।

“Gov-her-nance” अकाउन्टबिलिटी ल्याब नेपालले धनगढी उपमहानगरपालिकासँगको सहकार्य र CFLI को सहयोगमा तयार गरिएको हो ।